

寒 燠 閑 坐 讀 書



89379

復甦閣詩集自敘

廖子拙學齋詩三十有八卷既有初續三編之集矣平生
經歷大難瀕於死者九而以榕城水西二役尤為虎口之
餘生乃自乙丑二月以後所作詩另編為復甦閣集甦訓
更生也復甦猶云更生者二也蓋自以意顏其閣並名其
詩焉乙丑春正抱疾甚劇僅有二詩即以附於甲子詩末
噫老病侵尋死而不死天固留以昌予詩也歟未可知已
同治四年乙丑二月臨桂廖鼎聲金甫自書於查城官廨
之復甦閣

冬榮堂集

復甦閣詩集自敘

冬榮堂集
復甦閣詩集自敘
廖子拙學齋詩三十有八卷既有初續三編之集矣平生
經歷大難瀕於死者九而以榕城水西二役尤為虎口之
餘生乃自乙丑二月以後所作詩另編為復甦閣集甦訓
更生也復甦猶云更生者二也蓋自以意顏其閣並名其
詩焉乙丑春正抱疾甚劇僅有二詩即以附於甲子詩末
噫老病侵尋死而不死天固留以昌予詩也歟未可知已
同治四年乙丑二月臨桂廖鼎聲金甫自書於查城官廨
之復甦閣

冬榮堂集

復甦閣詩草卷一

臨桂 廖鼎聲 金甫

乙丑

查城官廨春日五首

寂寂山城思風和二月春病多仍作客難後許爲人狃烏

聞聲碎蠻花著色新詩編看日富誰道宦清貧

依舊盤江繞綠深雪印泥此心惟白水

盤江由滇曲靖發源子蒞官之地皆

在盤江所在南甯宣威永甯均有水名白水

何日罷霜輦兄弟名都賤兒曹志

莫低雲霄鴻鵠健矯首望淒迷

觸我離心切郎公入灞陵

永甯有河口灞陵流入郎公

小桃紅欲滴芳

冬榮堂集

復甦閣詩草卷一

草碧難勝四海空知己孤懷賸若僧清晨梳短髮衰醜意

生憎

對酒翻愁絕旁人一笑癡古今誰不朽天地獨何私枉有

中郎策徒增老大悲封侯吾豈慕無以答清時

性敢因人熱身偏涉世勞草堂難築杜栗里合歸陶舉目

河山感埋頭案牘高鄉園成一憶村徑滿蓬蒿

送澹吾學使還朝

書卷裝輕走上京煙烽回首望邊城兩階千羽苗難格半

壁河山亂易平馳馬即今真御史鳳鸞誰識舊儒生故人

未吏心淒絕怕聽陽關第四聲

入覲明廷好上書蠻疆兵事竟何如二東已置人謀拙一
將難求豹略疏往轍荆榛隨地滿離堂琴瑟再生餘自今
獨鶴青天遠賸憶鄉園叢桂居

出郭曉行

滄雲迷四山暗雨零千村出郭偶見塔入寺才知門是時
二月交李花白正繁濛濛霧露中不辨明與昏坐思陽和
布瞬息臨朝暾

承子久廉訪寄書莫芷生

庭芝

廣文極稱予詩會芷

生來查城有詩見贈率爾奉答

文事殊賤衰大雅輪孰斷長白外臺憲謬賞到拙學緘書

久獎堂集

復甦閣詩草卷一

二

告故知頗謂石中璞不才名位卑思古寄綿邈素琴低首
彈敢云舉世濁歎來莫夫子投贈先雙珏慨言斯道難枯
莛悚益覺兩家守縹緗兄弟儻鸞鷲元方今遠遊贊籌親
帷幄令兄邵亭明府今尙在湘鄉節相幕中予孟淮南歸聲譽亦自卓維茲
亂離鄉豈有尺寸握君近宮墻居我恥塵鞅讎譚藝獨目
成筮災免膚剝且用杼柚謀風流一橫稍

再柬芷生

俗儒焉知學俗吏焉能詩黃塵案牘高埋頭無竟期斤斤
懷正聲聊用慰我私天涯得同好戎馬還交馳君如匱中
玉我如囊底椎已矣慎韜晦坐待澄清時

才名震天下不及田舍老齷齪守微官相看頭各皓矧茲
凶鋒熾怒焉心如擣吾觀盤江流日夕東浩浩鼯鼠飲滿
腹七年此間道何日歸去來爲爾一傾倒

男兒墮地始志悔在四方一身畫足蛇利名何皇皇北瞻

燕然石東見海水桑富貴真浮雲長歌浩浩茫茫李白謫仙

輩隨風來夜郎不如飲美酒得醉卽爲鄉

用古句

君家山水窟何山亦名獨

芷生獨山州人也子鄉有山名獨秀

春雲鄉夢深

魂返到巖麓輔車昔接聯火維截地軸

獨山舊隸吾粵

固疑桑梓

親文字沉骨肉吁嗟蛩依歷蒼茫水歸瀆辱贈情殷拳風

檐再三讀

冬榮堂集

復甦閣詩草卷一

三

感事偶成

論交意氣合乃曰用錢刀未俗良所哀江河日滔滔骨肉
而冠讐安惜盜如毛平生守迂拙懷古蒼天高揮涕曷能
已予心益以勞

夜雨讀前人詩卷有作

正聲去人遠哀感從中深鳳翼凌丹霄鯨牙張碧潯嗟予
良朋隔誰奏空山音亂離況已甚疾病還侵尋夜寒理舊
卷雨落青燈陰古懷獨以抱世事兀可瘖

三月二十有二日喜喬兒至自里門

十年一別今初見汝已卅年予白頭夜癖燈深花送喜山

城春黯雨含愁最傷離亂遭多難聊話平安暫少憂家自
可歸何日遂髯蘇況有對牀謀謂仲變兄時
假歸里門

芳樹篇

庭前有芳樹可以庇煩厄當春發繁條葉葉雨滋碧我懷

君子人清芬眾悅憚烈風休浪吹嘉蔭自宜惜

四月除日出郭感事

夏首盡茲日春服尙未休盤雲捲雨至氣涼如清秋我行

出近郭瘡痍盈道周一身病知衰微官老何求所貴得輿

筮庶免覆餗羞

同人小集集陶謝詩各一首

冬、榮堂集

復甦閣詩草卷一

四

今日天氣佳臥起弄書琴眾鳥欣有託清歌暢高音此中

有真味遙遙沮溺心陶

寢食展戲諱且申獨往意白雲抱幽石芰荷迭映蔚伊余

秉微尙殷憂不能寐謝

老興二首

老興婆娑只在書衙齋清曠訟庭虛詩因久廢疑逢故琴

託孤彈重感予遠樹蟬鳴新雨後長天烏過晚風初鄉園

極望堂星朗心折滄江尺半魚

垂白終無混俗名官微何術濟蒼生文犀馬援千秋謗赤

兔孫陽一顧情時事江河真日下世途今古總難平茫茫

五十龍鍾叟說士雷轟耳爲傾

對酒寄呈家兄並示瀚兒二首集陶

漉我新熟酒淹留忘宵晨酒中有深味舉世少復真願言
躡輕風真想初在襟落地爲兄弟聞多素心人念此懷悲
悽所以貴我身逝將不復疑聊爲隴畝民

日月擲人去盛年不重來出門萬里客如何辛苦悲我心
固匪石鴈至輒傾危人生歸有道力耕不吾欺試攜子姪
輩戮力東林隈此事真復樂顧盼莫誰知

故鄉書來多有趣予亟歸者予亦實有山林之思作

詩寄答集陶一首

冬樂堂集

復甦閣詩草卷一

五

清謠結心曲望雲慙高鳥栖栖世中事姿年逝已老故人
賞我趣傾身營一飽悠然見南山人生歸有道雖微九重
秀豈無一時好

閏五月三日試諸文章十一日畢事偶然有作集陶

衆鳥欣有託良苗亦懷新四時自成歲向來相送人今日
從茲役益復知爲親取琴爲我彈斗酒聚比鄰愧我非韓
才遊好共六經但恨多謬誤學語未成音

又集陶二首以示查城試士一二佳者

開荒南野際陵岑聳逸峯豈無一時好直在百年中日余
作此來實由罕所同奇文共欣賞飄飄西來風

清晨聞叩門始雷發東隅多謝諸少年爲我少躊躇恐此
非名計時還讀我書先師有遺訓過此奚所須

試院感事有作二首

用拙吾何事文章見老成珠羞混魚目劍已識龍鳴未惜
迂愚誚彌增繾綣情黃塵從白首結習是書生

明鏡虛空仰當年記我曾有書兒儻讀

時喬兒襄子闕文

直道世

應憎

有因考試清嚴轉笑子爲迂者

邊徼風榛狃炎天氣鬱蒸晚雷鳴急

兩疑望有龍騰

定期校試武童集陶一首

良辰入奇懷正賴古人書如何捨此去過門更相呼招集

冬榮堂集

復甦閣詩草卷一

六

百夫良問予爲誰歟慨慷爭此場披榛步荒墟馬爲仰天
鳴宛轡鵠通衢其事未云乖頗迴故人車寄意一言外棲
遲固多娛才華不隱世君情定何如

試事既畢半日休暇輒欲爲詩集陶一首

奇文共欣賞才華不隱世聊且憑化遷於何勞智慧曰余
作此來懷役不遑寐了無一可悅栖栖世中事崎嶇歷榛
曲人生無根蒂何以慰我懷恐此非名計重離照南陸日
月依辰至且極今朝樂即理愧通識登高賦新詩少時壯
且厲雄髮指危冠觴酌失行次情欣新知歡未言心先醉
先巢故尙在躬親未曾替感彼柏下人幽室一已閉有酒

斟酌之達人解其會丹木生何許瞻望邈難逮菽麥實所羨晨興理荒穢

歸思一首集陶

亭亭凌風桂綿綿歸思紆遙遙望白雲關河不可踰流淚抱中歡以為饑所驅高酣發新歌胡事乃躊躇但使願無違投冠旋舊墟息交游閑業此語真不虛燕丹善養士仲蔚愛窮居復得返自然歷覽千載書恨不及周穆流觀山海圖

題彈琴長嘯圖戲集陶謝句擬若二公聯吟者

拂衣遵沙垣康樂欣然方彈琴亭亭明玕照淵明萋萋感楚吟

冬榮堂集復庭閣詩草卷一

海鷗戲春岸康樂神鸞調玉音天容自永固淵明懷抱觀古今

清塵竟誰嗣康樂回飈開我襟不學狂馳子淵明良辰感聖心

康樂

詠懷即事四言詩集古句

關弓射鵠漢鏡歌駕車馳馬君馬彈箏酒歌善哉行在於

曠野說苑一在於曠野以古況今潘岳關中詩十四恻恻不寐

居賦陶潛閑日出當心古答夫歌日出當心如彼山河劉琨答盧諶

蚍蜉愉樂傅元短歌行去日苦多曹操短歌行去日苦多水深泥

濁獨漉若有人兮屈原抱素懷璞古樂府元抱素懷璞憂

來無方曹丕善哉行風飄蓬飛曹植朔出門異鄉曹植當來日

出門異鄉繞樹三匝

曹操短歌行

雲景杳冥

唐山夫人安世房中歌

神光

離合

曹植洛神賦六解

神光離合是耶非耶

李夫人歌黼衣朱紱韋孟諷諫

詩

其新孔嘉

毛詩七解

其新孔嘉獨養其志陶潛詠史述八飽食

安步

東方朔誠子詩無棄蕉萃

逸詩八解

晚飲有作

晚景新過雨微涼酒味深炎天猶絮服薄日在松岑文事迂儒業風塵下吏心望雲搔短髮何處有知音

送人適興義郡

南籠疆野古鄰邦拂拂薰風暑未降薄宦生涯憐棘道贈

行離緒繞盤江披襟曉月低徊影入坐清歌斷續腔亦欲

冬榮堂集

復甦閣詩草卷一

八

歸休西向笑屏營終夕話殘缸

雜詩三首集漢魏晉人句

蓼蟲不知辛

王粲雞跖食不已

應黃鵠一遠別

蘇武之子在萬

里

曹植北風聲正悲

曹操肅肅入我耳

蔡懷屏營衢路側李陵哀情

遽能止

阮籍

人生自有命

孔融貞士篤終始

秦嘉夢君如鴛鴦

傅元

思君如流水

徐幹

思君如流水水流何湯湯

曹丕佳人美清夜

陶潛蘭室無容光

華玉墀兮塵生

漢武帝

東城高且長

枚乘

裊裊孤竹根

劉楨飄風

吹我裳

繁欽

飄風吹我裳摧如葉落樹岳夫子固有窮劉琨但患年歲暮

孔融悲來惻丹心郭璞流轉無恆處曹植報書往邊地陳琳人生譬

朝露秦嘉天日照知之曹叡馴心託君素蔡邕揮杯勸孤影陶潛總

轡登長路陸機

懷人詩三首

陸澹吾學使

使者肅朝命迢遙陟萬里蜀月兼秦雲遂近天尺咫用兵
聞河豫能不戒行李我亦孤生士窮宦歷榛杞酸吟謬夙
好南明河畔水及茲念遠道朔風瞻靡已

徐華野觀察

多君海東賢故情耿高誼紫薇有新詩勛業此餘事睽違
冬榮堂集復題閣詩草卷一

九

亦既久握手願未遂峩峩貴陽山瓊瑤巖再寄但聞消息
來罔親纏綿意蜀江綠萬頃相憶成避地

莫芷生廣文

自墮窮荒來談詩徒此君炎天迫閏夏別緒一何紛瞻望
渺莫及遙遙東去雲予情信獨芳匪惟惜其羣蘭成亦吾
師且用班馬薰何日攜手好意新唱高文

怨歌行

賤妾誠何罪中心自不知君恩本高厚薄命復何辭

佳人二首

佳人真絕代生小在東家不道肌如玉還應臉似霞

宛轉橫波目玲瓏碧藕心心知最相愛忍俊不能禁

四言短歌行

來日大難壯心未已維憂實深我懷之子解中央四角

一東一西畫虎類狗立鶴羣雞二解命之不造人不若我

所得伊何何適斯可三解

題坡貢驛五首

古驛開荒服連山鎖四圍蠻雲渾欲護淫雨不能飛瘴毒

由來重行程過此稀朝昏殊氣候白水帶斜暉

垂柳絲絲綠名花樹樹紅驛舍紫相關餘野趣隨處有天

工詩思蟬吟際勞生馬跡中驛驩開一路子題驛額日崩

冬榮堂集復甦閣詩草卷一

十

另總凌空

戰苦嗟脣齒鄰境郎岱屬屬賊氛未息艱危顧此身不才羞鳳鳥幾輩

許麒麟取醉甯關酒懷憂且畏人簿書王事亟焉敢厭風

塵

向晚孤亭側微颺夏亦涼歲時多厄運宦轍滿窮荒伏櫪

心如許緩邊意莫忘小臣空碌碌獨立對蒼茫

問訊滇仍近將如歷亂何關山平地少郡國戰場多重譯

聞來象時間緬甸還鄉欲借駝違憐毛羽異孔雀二亦緬

至象貢入滇張觸為高歌

自春迄今鄰警未息時出巡邊境殷憂甚切途次作

此以示士民

欲雨不雨雲茫茫欲日不日天無光山川千年開夜郎狂
榛餘風向未央羣苗蠹爾況犬羊眼紅烽煙血流漿自慚
牧民無樂康彈丸黑子兵非強所貴人和弭天歿我民聽
歌勿皇皇攄丹誠求作此章

自笑

自笑吾謀拙勞勞百不成世難容道直官豈畏人清

予每赴鄉

粒粟寸草不以擾民轉有非笑之者未短風雲氣彌深今古情騷經如許續
歌嘯爲平生

驛亭垂柳數株甚感人意漫題此什

冬、柴堂集

復甦閣詩草卷一

十一

無奈當窗柳千條弱不禁偏於驛亭側倍觸旅人心婀娜
因風轉蕭疏入畫深怪來離緒滿爲爾一長吟

夕陽

夕陽紅不已山晚愛餘暉光景依然在壯心多所違旅人
空悵悵巢鳥故飛飛莫漫憐消沮東方月上遠

曉窗即事

向曉沈陰色披襟獨起遲瘴風吹樹黑毒霧入衣滋薄宦
親情重天涯病骨支藥鑷與書卷兀坐強裁詩

懷呂茗齋

老年辛苦向邊荒滿眼煙烽況陸梁詩到獨吟增慷慨天

留壽骨轉清蒼黔山白水人何處綠酒青燈夢不忘猶有
乘輶冠冕客

謂澹吾

鳳城佳氣鬱相望

喜聞克復黔西有作

水西厯亂我曾經八月煙烽動杳冥忽此巖城清伏莽由

來上將重維屏山河吭背功非小生死交情涕欲零

故友徐曰

良司馬奉檄辦黔西事而昨歲予遭賊黔西門人林錦川被難於此

象嶺鴨池相望遠鏡歌

一曲有誰聽

寄徐曰良司馬黔西

自枉歧亭別偏憐尺組縈故交真嶽嶽茂績此英英消息

今時喜兇鋒曩日驚一軍城北將百戰水西營似許凌煙

冬榮堂集

復甦閣詩草卷一

十一

上知誰贈策行邊隅穿望眼寸疎篤前盟身老文章在官

微世俗輕舟心空戀主白面敢論兵五角六張誤千秋萬

歲名還珠甯少鄭抱璞總疑荆墨是磨人物琴徒移我情

願言略相慰江海已平生

戲書贈某將

少壯英雄略論功又老成食牛誰乳虎跋浪想長鯨如我

知何用憐君自不平杜陵詩句好猛將有花卿

獨吟四首

辛苦詩中事商音晚益懷寸心憐獨抱舊好憶分攜得失

塞翁馬荒涼祖述雞才名空自悔凡鳥竟須題

一墮蠻荒遠頽然意氣降
裘凋蘇季子詩瘦賈長江欲采
三山藥言尋七澤注美人遲暮感垂白鬢成雙

大雅驚淪沒伊誰問古風一身憂患裏九死亂離中
旗鼓騷壇健兵戈吾道窮何因似殷浩咄咄但書空

千里緘詩去嗟予似穎濱弟兄十年別簪組一羈人未羨
鷓鴣侶真含燕雁辛涼燈孤燭夜清唱淚盈巾

閏夏已盡歲將及秋感題驛壁志事

行役赴邊驛炎風夏云徂升高歷崇椒蠻雲遮路衢我身
亦勞勞以爲時事驅甲馬既在目瘡痍無完膚屏營抱中
歎涕淚天之隅牧民信不易視民獨何愚愚夫懼自累臨
冬榮堂集

復甦閣詩草卷一

三

當野脚踏此語繫民命仰面長嗟吁

頻年迫憂患忠信諒自矢羣兇構危亂國讐能弗恥凌晨
看長劍西風策策起髀肉馬前歎雄髮冠上指憑虛望中
原兵事一就理鬼方實窮邊道途尙榛杞山州我所治鶴
唳切脣齒苟安何足云澄清有如水

驛夜

夜景荒涼罷酒杯陰晴天氣費疑猜片雲作雨催詩去獨
樹呼風送月來坐想孫陽真特識談空王衍亦凡才耳中
齟齬關心甚欲把黃金更築臺

山行曉興

曉天晴色徑仍封密箐穿過嶺又重澗水與人爭一路山
雲留客住千峯略如叱馭王遵健安得聞雞越石逢身病
葛衣棉著裏蠻疆六月氣初冬

紅巖諸葛碑歌

有序

永甯紅巖山之巔石壁上有朱書二十餘字大者
如斗小如升非篆非隸不可辯識志以爲武侯征
蠻時駐兵其地勒銘於此也據以作歌

白巖丹篆已奇絕

畢節白巖龍山有篆文
若符籙然在山之巔

紅巖再睹千秋

碣大名諸葛或信然雄筆蒼茫百尺鐵今人好古好奇
不邈不斯詭仍譎鬼工無煩斤斧施迹象甯隨劫灰滅我

冬榮堂集

復甦閣詩草卷一

西

疑山靈逞光怪成文苔蘚雨凝血不然帝心誓苗夷假茲
法錄存屹巘後儒歸功重武鄉關索有嶺同英烈紛紛論
說儘悠謬考證伊誰識真訣蔡邕黃絹那能題陽冰碧落
亦徒切歎隅祭社烏牛來震恐驚傳銅柱折只餘點畫鈎
摹難雲磴高懸石欲裂吁嗟乎二十餘字三千年干戈滿
眼景前哲安得更起天威服南人勒名燕然又何別

客有謂紅巖碑爲殷高宗伐鬼方紀功之物未知何

據復作此歌仍用前韻

鴻文三代奠乎絕南衡岫嶮僅一碣鬼方胡爲得殷遺三
年師克石磨鐵字形似近語可信神物呵護事則譎既無

冬榮堂集

復甦閣詩草卷二

臨桂 廖鼎聲 金甫

乙丑

偶行田野中與村農語晚歸書示同人

四序秋始肅品物方告成官閒面場圃此會集豪英乃話
農畝事暢然歡平生我實村居士志情不習耕皇皇授儒
業讀書難中程忝焉作民牧心力疲所營對茲粒食艱內
慚百憂并山紅西日頽勗哉附令名

秋日登高集陶二首

谷風轉淒薄慨然知已秋此行誰使然迢迢百尺樓山澤
冬榮堂集

復甦閣詩草卷二

二

久見招吾生行歸休量力守故轍豈忘襲輕裘游好非久
長悠悠迷所留

悠悠迷所留高舉尋吾契哀哉亦可傷人生無根蒂山河
滿目中商音更流涕巨猾肆威暴夸父誕宏志赤泉給我
飲安知物爲貴

坐復甦閣微吟有會集陶一首

良辰詎可待卽事多所欣逍遙蕪皋上鳴鳥聲相聞仰生
瓜田中晨出肆微勤黃花復素實露疑無游氛但顧世間
名悠悠東去雲

微雨偶成

微雨山城暗初秋氣漸涼偶吟成隱几何事滯他鄉宦冷
浮雲薄年衰舊夢荒世情看若此不用感滄桑

余雲濤廣文以其鄉人莫邵亭詩集殘本見示爲題
卷後邵亭即芷生哲兄並寄芷生云

剛水育鳳雛逸才有伯仲今來偶一聚虔壇託吟諷伯也
江南遊傾耳早殊眾詩卷忽昇將鄉閭識鄭重所惜殘佚

半已聆律呂中黔學此可興流美語誠洞常熟翁中丞敎
邵亭詩謂凡爲

詩不尙流美邵亭之
詩黔學自是可興云我拙秉微尙齒冷厭俗弄得之如欲

狂神交等磨礱況從田家荆豐鐘響若送終當金蘭合且
慰春草夢寄言室是遠斯文骨肉共

冬榮堂集

復甦閣詩草卷二

二

惘惘

惘惘人間世埋憂孰與論分難諧俗好終復見天恩顛倒
心情誤蹉跎髀肉捫黃唐真抱獨羞慰古風存

涕淚

涕淚江河下爲儒道益孤鬢摧成老醜心折尙狂迂粟里
陶三徑扁舟范五湖此情良欲遂聊用一踟躕

近喜

近喜無公事山城小住佳好花籠滿袖涼月墮空齋客自
秋冬氣人憐屈賈儕蕭然文字飲一醉暢幽懷

權查城九月吟事最稀惟試士時及在坡貢驛舍偶

有所作正坐公冗不暇也乃有以予耽吟廢事爲言者譴責隨至姑弗與辯罷任後書此以質友人

鬱紆就卑吏無罪固可摘矧又迂拙懷世俗不我憚山城厄閨歲庶端瘁精魄病中治官書寸晷敢輕擲方憂身劇勞何暇詩是癖狂夫有逸興投珠且矜擇胡焉青蠅營遂抵白璧隙茲言不違計用舍大臣責垢癥誠宜求儒業已下策今來賦閑居荒望渺星驛回思少壯時傲兀據試席獵見心竊喜意行情惟適自從簿領餘塵鞅日以積苦謂此道乖願爲更請益挈囊儻還鄉天雲割片碧長歌任徜徉曷哉奮鴻翻

冬榮堂集

復甦閣詩草卷二

三

寓廬在鬢宮之側偶書寄興

罷官十日來遂許理文事宮牆懷在望皇然固窳意獨苦公家程難爲實廉吏宣聖昔有言賢者次避地吾儕遭獲落溫飽本非志我家故鄉山萬笏插蒼翠蘿薜久被譏潢池況垂翅曷哉以爲寶此心永弗墜長往及斯時悠悠識微智清吟坐花前且願陶公醉

門人龍瀛翹

運松

景高

初翔

叔姪皆佳士也時時招

與論文作此以贈

讀書不世用孤蹈一何忍用世或枉道三黜亦可哂吁嗟扣角歌弗接後車軫適楚而相齊古賢有汲引今世紛豺

狼中程獨鷹隼休休翳誰人感蹙謝不敏兩生竹林俊清
標列玉筍伏居方衡門食牛氣恐盡但願明珠投莫傷烈
風緊北望黃金臺長驅好絕韉我情良獨殷雖脫放寒窘
揮杯聊爲勸致身如磨盾

復甦閣放歌

坐我深閣惻惻心憂四序代嬗忽焉九秋種菊庭階有黃
其華零零白露悠悠蒼葭知交滿目言念故友人室云遐
寸衷在口世情萬變浮雲古今梁肉是飽濁醪是斟夕散
賓筵朝適西東雁鴻何所馬牛其風曷哉令名永堪爲寶
怡然自樂不知將老惟蘭有真惟松有陰鳳飢竹食鶴鳴
冬榮堂集
復甦閣詩草卷二
四

霜音白髮盈掬仍當壯年更生勵志以全吾天

振喬和予紅巖碑歌因又疊韻成一篇寄仲燮兒同

作

一墮窮荒路愁絕郎州妙觀典午碣

典靖曾拓
饜寶子碑

隨風今又

夜郎西青山向人立如鏡有容指點碑穹窿時代鬪爭發

狂譎默思當年渡瀘功攻心獲也種弗滅橫流千數百餘

歲羣苗屢辛戰場血我來蠢蠢正寇亂連折焦土賸嶺巘

吁嗟死葛奔晉祖後世視古無其烈摩挲遺文空浩然丹

篆疑吞夢中訣墨花雨落神堅完使筆若劍玉堪切拓將

百本付誰識俗書姿媚陋波折兒曹臆度尤井窺天地祕

精剖難裂掣經筠清金石紀嘉道朝間信亦哲予何爲者
再三歌題寄歸鴻待審別

龍瀛翹挾安順郡志相示志載紅巖碑斷爲殷時物

再疊前韻一首

高文天通地復絕郡國志書紀功禍般人尙質茲可稽二
十五字語鑄鍊窮窮南蹈義播東眾君歸化未敢譎將疑
將信前說謬攷古無識懼漸滅緬懷征誅揖讓變粵若商
湯先漂血刑威虺虐更比銘南中古物冠嶠嶠禹王之碑
此堪二豈畏雷雨風還烈後賢紛綸牛汗背搜秦剔漢誇
妙訣俯臨百代皆兒孫二篆八分非簡切鄒夫子者今聞
冬·獎堂集
復甦閣詩草卷二

五

人據事直斷衷許折遂令儉腹一洗空真喜列眉不破裂
我攜官符治邊州冠劫蒼黃想英哲抱殘訂缺多未遑臨
分把卷又傷別

秋日閒居十首

閒居秋落寞開徑望青山鄉思雲霞外宦程榛莽間只疑
違俗好那得破愁顏徙倚頽陽立呼童早閉關
節已黃花晚人從白眼餘揮杯胸壘塊擊缶手殘書久識
浮名誤休論壯志虛逍遙惟此後題柱悔相如
國步艱難際安危繫大臣肯孤明聖意自惜賤貧身心苦
無生樂憂深且世塵蒼茫搔白首不覺涕橫巾

遠來原避地道否竟如何山色夜郎古秋風戰鬼多桐枯
留爨尾桂直挺枝柯身在人間老偷閒許嘯歌

未信朋知絕無聊抱獨嗟受恩酬不易多難累頻加霜樹
明黃葉江波帶白沙所思何處是一爲寄蒹葭

一夜雨瀟瀟涼天氣沈寥竹疏風弄響橙熟露含嬌節物
經時換年光旅病消喜憑軒館住安穩臥昏朝

有兄今宦隱招我返衡門骨肉親情重交游古誼存一身
噬道長八口念天恩能得生還樂高官未足論

回頭思往事一事一堪悲只有情難盡無嫌數太奇飢驅
仍未已直道任何之近說依嚴武猶慚杜甫詩

冬榮堂集

復甦閣詩草卷二

六

山城八九月風露晚淒淒苛政誰憐虎雄心客唱雜秋雲
生趣薄荒微夢魂迷曾是家園近河流不向西

惘惘今晨淚依依兒女情空花原幻境濁酒對孤城去住
聊爲計升沈且莫爭似聞天意許蕪野待歸耕

秋晚二首

晚景孤亭上苔痕一徑斜朔風吹遠雁秋色老黃花用拙
真宜隱謀生未有涯桂江縈別夢何日泛輕槎

急雨鳴通夕新寒氣漸驕草蟲三徑寂雲鷓半天遙文字
憎多口憂虞悔折腰頭銜吾自笑聊亦等鷓鴣

秋蘭

秋蘭美人心香露滴寒碧彈琴坐花間曲罷倚蒼石

暮望絕句

白雲向空歸清風謝儔輩吾得返自然黃唐若可對

月夜有懷

之子遲何暮清月自娟朗王喬儻可遭欣然馭仙筆

九日對雨有作

我本避地來荒陬意行天壓愁人頭男兒恥作龜曳尾予
髮種種盍歸休遼哉關山阻重與去矣溝水東西流月來
歲往又九日眼中煙嵐迷素秋世情嶮詎足道身隱焉
用文章留對酒當歌更拂鬱美人何方望高樓風瀟雨晦
冬榮堂集
復甦閣詩草卷二

七

雞幾唱坐令佳節增煩憂

天公舊例陰九日橫飛健走都乏術山州一握煙霧埋病
夫矧又腰脚疾曉起濃寒似深冬呵凍窗前手不出憑虛
弔古雅有懷偏值今朝重唧唧平生浪迹參與商萬里孤
臣蟻兼蝨蟻蝨牢憂俱莫論豺狼滿野正堪恍狂歌文字
果何罪肯許題糕竟閣筆

臥病

入春病臥秋復作鶴態雛褫最不禁尙想刀圭醫國手肯
忘衽席活人心菊殘雨後黃三徑楓老霜中赤一林容我
幾回開口笑眼看節物自蕭森

雨止病起作

人病那如天病惡沈陰幾日放初陽離離蕪野迴元氣鼎
鼎華年老異鄉裘敝劇憐蘇季子桐枯多感蔡中郎含情
今夜查城月應照湖西舊草堂

檢舊篋得伯韓贈答詩幅感題其後

逸才八桂九州空代起梅仙角兩雄

謂梅伯言郎中

天地有情開

樸學文章無命泣孤忠錢王觀下千秋月郭隗臺前萬木

風賸展遺編思舊事不勝悲慨亂離中

復雨

三日不雨非黔天天溼天乾各黯然深山龍蛇噴毒霧近

冬榮堂集

復甦閣詩草卷二

八

人烏雀衝寒煙得將做緼且莫恥聊就歌呼誠可憐客館
消閒紀甲子老梅香雪漸清妍

值友人拉飲書事感舊

星隔銀潢似有情襄王行雨夢中成世間多少迷離事賸
欲興懷控玉京

才調相如病渴深細腰擊出楚王心興來且作婆娑舞魂
斷瓊瑜步步金

醉眼僊僊感舊游桂輪香滿鳳城秋可人如玉花如錦一
曲橫波不自由

流宕邊城歲月過狂奴豪飲奈愁何分明兒女風雪態併

入王郎斫地歌

愴懷詩 并序

三十餘年來嫡兄弟二十有餘人相繼淪喪而

世父鍾隱公墓在桐城潮來兄墓在興義鑑堂兄

墓在普安權之兄墓在曲陽以予權永時如興義

普安相去未數百里尙弗能一臨視何論桐與曲

遠尤數千里外也悲發於中愴惻無既黯然成篇

親情骨肉重奔馳各一方匍匐就貧仕誰知憂患長自辰

迄今丑世途浩茫茫有伯遊皖水有兄喪曲陽萬里又孤

姪寒餓面不光

鍾隱公孫權之兄子振麟飄淪正定歷有年矣

普安懷近邑

振麟本生

久榮堂集

復甦閣詩草卷二

九

父即鑑堂兄也

南籠亦鄰疆昆季三兩人客塚都荒涼翳子治查

城九月飛清霜拂袖罷官去頤頷羞空囊酸辛此何極難

酬生死望矧思 慈母訓泣血悲隴岡昔年岵屺陟微祿

不得將歉念耿中夜羅奠虛酒漿兄也昨寓書記先敬母

忘靈旗展秋風肅肅瞻廟堂

仲燮兄方在里門修葺宗祠

邀予歸歟賦

庶幾奉蒸嘗哀意那可遏淒其含內傷薄宦且偶然厚德

終餘慶願服農家疇勿復感異鄉區區持寸心拉雜成詩

章

夜坐

層軒夜不閉讀書月上嶺人語雜雞鳴聲聲送清警幽懷

真自如搖宕碧梧影

訪友不遇

踏霜趁虛步山磬搖秋煙道人一何往藥竈空牀懸清歡
且獨倚長嘯驚雲眠

生日自壽

儒冠不容死妄意博微祿皇皇三十春舟車莽馳逐八載
墮窮荒萬轉幾溝瀆願如九還丹已荷再生育彼蒼慈父
心衰白脊予獨庚寅降條五甲子漸周六組綬雖可懷屏
營慨僕僕何當離嫩鴻庶免覆蕉鹿厄閏今秋寒菊殘雨
中沐儼居倚山岡蒼翠時在目罷官留餘閒綆短真忸恧

冬榮堂集

復甦閣詩草卷二

十

羣公一好事幸少叢怨讟升堂握予衣此情信置腹

罷任後永

屬士民餽予衣蓋并製壽言以祝而安郡七邑暨興義之
貞豐安南皆與焉此事非在官之所宜有也既辭不獲殊
笑鄰邑之人好事且如此予
究何德于民汗顏滋甚矣我本巢爲鳩曩疑賦成鵬抗

顏得加年拙修便若福憂讒詩止吟寡過易欲讀水深知
魚樂草淺思馬牧土前王亦前但悔領公餼從茲宜枕流
奚必羨出谷二頃終人謀百歲視今卜有兒緘尺書珍重
遂初服幽燕七千里更憶京邑叔各各皆老翁四方肯蹙
蹙俯唱含清歡壽骨聊自祝

又作示振喬

人生無百年五十忽過二不才忝官爵頗似伏櫪驥厄窮

天所哀孤直世終忌汝讀書來稍當識微意雜先有遺
德舊業恐失墜兢兢持冰心違問千古事緬茲宦途間愧
佩本兒戲風波孽海惡含憤面顛顛哲謀惟舍車賢者乃
避地故土況可懷名山待把臂汝伯皖口歸汝弟膝前侍
依依移我情惻惻酸人鼻士貧原非病願了向平遂龍鍾
髮已短鼠腐魂尙悸焉能從役夫更與禦魑魅拔劍王郎
哀作詩孟郊淚陶寫正何賴耄耄敢期至吾家丹井砂假
館柏堂翠清游發高酣逸足聊縱恣可矣及是時興言欲
分轡

山齋早梅已開予時將去查城書懷寄家兄仲燮

冬樂堂集

復甦閣詩草卷二

十一

苦被浮名滯荒邸天涯憶得好兄弟自從陟岡九經歲何
曾開懷一破涕山州今日梅花香料量歸計愁空囊風吹
薄雪細如米月照清波疑作霜憂端無方時不遇壯心未
已顏難駐茫茫千里白竹湖矯首堂星燦朝暮

長歌一首示平越門人白儀賓

觀鴻

并柬作山瀛翹

景高

有田不歸有如水有山不耕日可指人生百歲風過耳何
況六州聚鍊鑄成五十有二齡之一大錯齋梁燕趙晉秦
蜀吳楚滇所經萬萬里黔疆茲游倍奇絕盤江南北在其
裏何嘗飢寒庇妻子深恩罔極更已矣顧瞻四方誰知已

面朋雖多亦足恥青蠅白壁謗且訾白生吾友龍與李但
坐吾語爾讀書我輩抗心獨許希古賢夏蟲冬冰焉同擬
豹留皮象焚齒貝錦斐萋文犀惹苴投君夜光明月之寶
珠拂君玉軫金徽之綠綺人言何恤正如此從來識字憂
患始咄哉胸中何止數百容王導宣尼興懷入海猶聞季
路喜五岳方寸平若砥高臺避債千仞起會看蒼天近尺
咫休論桑弧兼蓬矢君不見冥飛鴻鶴去應駛

遣興四首

消閒放我吟詩好文字原無罪可尋不負平生惟傲骨似
聞謀國有深心買珠敢冀終還積點石從教易變金去矣
冬榮堂集

復甦閣詩草卷二

三

清風謝儔侶焦桐不鼓亦知音

浮海乘桴聖者嗟變夷用夏太紛拏登場傀儡謀原左飽
食侏儒願恐奢天地何心多鬼域古今吾道一龍蛇銜杯
日對滄江晚愁聽邊城起暮笳

落落窮交復幾人側身東望淚盈巾鵲巢偶占聊安拙烏
屋空瞻只耐貧知我有誰如鮑叔浪游何術悔蘇秦一官
茹蘖含冰日無益虛名枉自珍

當年湖海走元龍跌宕難平磊塊胸誰道簪裾尤禍水更
聞兵甲起兇鋒夜郎是處風非古春夢經時意亦慵莫聽
蠅營思豈弟後凋百尺有寒松

山城卽事四首

山城冬氣肅客子但思歸世亂豺狼飽年荒燕雀飢無聊
就清酌小坐愛餘暉時有朋交至談深雪點衣
山霧墮衣溼野風吹面寒歲時黯將別涕淚不成歡征馬
去應疾閑花開又殘坐愁碧玉障倚徧紅闌干
一月從無睡和衣坐杳冥雨聲將漏盡人影傍燈醒憶夢
還欵枕憎寒未啟櫺怪來雞唱早牢落祖生聽
賊耗聞趨北風聲又及南彈丸雖小邑保障莫輕譚人笑
真龍好心懷碩鼠慚吾今慕禪悅歸欲憩茅庵

貧交行寄周子敦

冬榮堂集

復甦閣詩草卷二

三

今人重面友古人貴貧交深喻車笠誼誼古投漆膠道德
以爲寶謙亨筮終爻誠知君子性松筠兼竹苞今人夫如
何噫吁憐斗筭自從出門來同人多于郊擇善已落落隱
憂足恹恹箕風畢雨國蚊睫翻爲巢羣焉尙巧智誰識甘
浪聲賢哉晨星契頭角崢龍蛟尺書見親情臭味他莫滄
昔別在郎州含淚輕離拋裘葛炊六載所思獨衡茅還念
聚首日詩律嚴推敲明燭坐山館香醕斟堂均益集守身
玉過聞無口匏此樂猶目前願我風中旂淪飄萍蓬絮微
逐夢幻泡東方有諧謔南岳真獻嘲何年許良覲雞鳴夜
粵粵曠望不可即氣結增魚依寄遠一寸心素月升林梢

對酒

奇懷抱獨往鬱鬱多酒狂對之誰不歡玉椀琥珀光劍舞
自愉樂箏歌又悲涼翳余嫩年時志若無頽頽足踏九州
土氣凌三霄霜結交古誼重平揖皆侯王興駕近燕粵好
勇喜可方屢死歷百鍊陽陽如平常詎料成白老牛馬走
且僵舊游每一憶鄒魯荆益梁地凍冰作糜河炎水如湯
以茲憂患生毋乃鍊漢強今暮衰醜歎齒搖視茫茫三仕
三已之譽毀隨低昂楚產師既聖嬖奚乘用良枘鑿漫許
入角張亦相妨大笑且出門千金況垂堂陶然當痛飲浩
然歸故鄉

冬榮堂集

復甦閣詩草卷二

古

答仲燮兄見懷

十年九年別歲時動留淹老矣那不愧得失終難兼一詩
到我側君情如子瞻小子當子由相思顏益霑君勿將適
皖我行猶滯黔梧桐凋青枝風冬氣清嚴梅花發寒香霜
晚痕廉纖覩茲節物換彌使愁眉添對牀莫悠悠摘句還
蘇髯

去矣行

杜叟去矣行如聞語聲訖余今去焉往巒峯碧巉巖歷路
迫艱阻嘗味深酸鹹竊當蟻旋磨頓念馬脫銜記居桂山
側雙湖榕與杉兒時恣清賞佛子尤靈巖欲去那易得思

之託長鏡長鏡爾何物木柄供雕劉黃獨任飽食石髓娛
饑饒去矣攜爾游應須勝朝衫

夜夢仲燮兄示詩云索寞門庭予所悲承家有弟共
支持淒其風雨頻通夢愁絕雲天遠寄詩寤後味其
情辭悱惻若兄所自言因書此爲和即以寄兄

月明星稀人靜後風冬霜晚歲寒時分明感夢成新句燕
雁含辛兩地知

夜起偶書

入冬晝昏昏今夕月皎皎天星墮白影瓦霜凝清曉轉覺
寒氣深差喜塵事了吠急憎走虻啼翻怪宿鳥靜中觀動
象人間慮物擾推枕亦興歎剔燈獨坐悄

冬榮堂集

復甦閣詩草卷二

五

冬榮堂集

復甦閣詩草卷三

臨桂 廖鼎聲 金甫

乙丑

安平道上

百里安平縣經過暮色殘村明黃葉映山暗碧雲寒兵燹
猶通徑萍蓬笑一官雞鳴度關早宜作孟嘗看

水底天光白原頭夕照黃人家棲石壁客路感滄桑不見
梅花發空餘蔓草荒巖城今夕酒觸緒益蒼涼

急雨灑空溼寒天暮復陰祖生投老慨馮婦此行心貧受
風塵累愁連節序深自甘清白守不望有知音

冬榮堂集

復甦閣詩草卷三

雪中紅葉

一樹深紅雪際看美人斜倚玉闌干東行忽此停輿坐要
當貞松耐歲寒

偶吟絕句

穆王興游覽八駿歷名區心愛田間老黃唐得自娛

十月十五日有作

去年回首憐今日要算重生歲已周一笑醉盤漫戈印再
來塵網尙鞿韉黃楊厄閨多如此白髮催人可自由擊缶
彈箏行樂事總拚沈醉散千憂

欲歸無計將復入滇詩以言之

三年決策賦當歸，竟爾窮邊願。尙違東道荒涼誰，地主南人讜慄自天威。芳梅寄遠春光嫩，古柏經冬雪色肥。湖上草堂江上棹，獨勞魂夢兩依依。

聞仲夔兄將入 觀卽之皖有寄

北上君方計南中，我尙留梅花鄉國信。木葉洞庭舟知己，誰青眼含辛各白頭。意憐孤雁苦書早，二龍修

旅居

旅居無一事，呵手坐寒天。老憶兒童樂，貧惟弟子憐。繙書逢舊好，悟道有新編。門外停輿客，知予懶最便。

雜詩

冬榮堂集

復甦閣詩草卷三

二

日西還復東，歲舊仍更新。以茲變遷意，流轉百世人。誰能長少年，憬然懷古春。我自用我法，吾惟存吾真。噫吁鴻濛劫，庶幾葛天民。

大人一赤子，子輿發幽喟。生也值晚近，僕僕鼎肉拜衣食。亦贅疣，纓組誠繫械。讀書何補世，穀種視黃稗。達哉東方朔，嘲語痛且快。

低頭守愚拙，不謂遠皇古。貧窮亦有天，愧爲官所腐。營營閨朝昏，逐逐漸聾瞽。葆素希獨得，尺宅善自主。今者蕩戻徒儀秦，實初祖。

既無媚人骨，又鮮利夫口。所失亦孔多，所得良非厚。誦詩

衛賓筵占易賁上九莫誚皇皇如終然硜硜守否泰任元
化不飛聊下走

後人尙雕琢窮形盡微纖摩挲彝鼎側高華仍精嚴以擬
君子德內足神安恬一室坐良友默爾終何嫌叫囂來俗
物刻畫空無鹽

過徐華野觀察綠師子吟館出示所藏三代禮器秦
鏡漢玉及所著遜古篇暨近時詩復作書二紙見惠

長歌爲言即以志別

古人往矣器今在令人好古古不改誰今古人徐北海北
海一別中原春荒國餘生且相待地維鬼方貴山陽時維

冬榮堂集

復甦閣詩草卷二

三

龍飛有四載日紀戊申月丁亥綠師子館層軒開使人心
臧坐爽塏先秦上溯姬子妣視漢猶陋弗我給平生久要
茲益信車笠之盟那肯怠貌如尊彝宜清廟德如圭璧孕
真宰下走牛馬識凡猥謙冲尙欲策駑駘再拜陳詞亮無
罪此器此人世何知知者庶幾乎其殆百篇遜古言皇皇
奇氣揮毫動精采星鳳可珍落吾手窮途大笑消磊砢觀
察黔疆行當去邊城蝸角能不悔論才豈但君十倍幡然
如斯若將浼而我胡爲塵網墮贈行已矣羞傀儡吟騷他
日憶壇坫請佩名筆作蘅茝莊嚴入供亦鼎鼎用張吾軍
敢自餒古人往矣今人在今人古人徐北海

秦鏡篇爲華野作

二千餘紀祖龍死一鏡南中出榛杞鬼神搗呵弗裂缺聚
於所好歸徐子徐子觥觥北海君平生嗜古心劬勤雖彝
飢鼎三代器坐守一堂無游氛精誠上通志兀兀鏡不敢
匿來典謁俗夫詭祕去復還聲價平增土花發背銘宛轉
字六十審諦何分斯邈筆香光論鏡秦五丁枚數果然名
符實董香光骨董說說鏡云秦五丁漢大鼻此鏡面有銀丁五合光內 陰陽包孕魑魅顯
大鼻曾看未盡善三言句讀因攷詞一片輕盈如削簡包
陽顯魑魅皆銘詞鏡質薄而輕 我聞胡亥深拱時模糊鹿馬天人欺照膽
無功鏡馬往母乃遜世光已疲青銅不磨浩劫改金精善

冬、榮堂集

復甦閣詩草卷二

四

歲爲君待空明徹背映曦輪玉篆厯厯寫銀海

墨莊漫錄言晚唐侯

生藏古鏡一映日則現其背之字此鏡

紫蔽閣開擬繪圖

腐骨猶知嬴氏無傳國有璽玉非寶以古爲鑑人則殊迂

生游覽九州徧眼底恢奇豈貧賤夏商重物思前型

曩年獲觀

孔廟禮器于曲阜

秦漢珍藏露真面自別君來二十年荒學講陋

慙仁賢良覲而今觀世寶愁人離緒衝蠻煙作詩敢說漁

洋後手把吉金仰星斗要讀西清識古編風塵對鏡驚老

醜

再呈華翁

徐君銀潢胸論古具天眼列坐諸禮器婆娑興不淺閒開

紫薇閣偶泛蕉葉瑣語萃金石編識精大小篆作詩亦餘
事捫虱有雄辯十年握軍符志欲羣賊翦書生且宿將豐
功定實踐要知勇卞莊豈徒惠子產翳維締交初紅塵逐
京輦此會甘寒燠相思一輟轉乍逢又臨分黯然誰能遣
人生幾壽命矧是役軒冕創痍九死餘何堪更俯俛鼎彝
記在側精研若數典但令長毋忘心跡終弗舛悠悠歲華
邁蹙蹙勛業勉我拙雌常伏君才驥早展無以慰將離憑
虛東北眄一吟鼓雷門郊島顏其赧聊復寄慨慷與歌或
者善

書華野遜古篇後

冬、榮堂集

復甦閣詩草卷二

五

筮易得天山時義大矣遜執之黃牛革正志獨何損我公
觀察使意識亮高遠與居惟古人決策去豈晚豈服非世
榮受恆既安穩虎符亦功成用壯必華衰君子盟謙謙王
臣賦蹇蹇一篇壽金石願爲書萬本

蒙生秉微尙披髮行深山埃瑿苦縛人倦鳥無時還喟然
觀此編心憂頭益斑于古既鮮獲世途仍多艱側聞禹王
鼎象物圖神姦造化不敢匿後聖從追攀君今抱器往趨
朝覲 天顏燕喜唐龍光虎拜隨鷓班回顧荒徼外子身
一夫頑

侈口說三古叔季當笑罵良無千副柴任人卽長夜黍尺

量且度柔盛頰或禡其禮我所愛儻羊去弗暇魯變至道
邦君居又齊霸重物搜銘詞世程恐無價從茲陋漢後百
代總陵跨

讀書貴識字矜重非文辭下士言淺淺學人日孳孳判襪
動久長還晤未可知雲蒸盛名業鋒起爭庖義寡聞似我
輩低首惟自嗤作宦墮荒服更使走俗悲攀援欲留君儉
薄爲我醫惘惘只虛願揮杯愴臨歧

予因有入滇之計將遣喬兒歸里旅貲無出弗能自
決筑垣寓中獨夜書此寄喬安順

蕭條旅館坐燈枝仕不還鄉老詎宜剛水未通三管路彩
冬榮堂集

復甦閣詩草卷三

六

雲翻動五華思汝初作客憐多累我豈長貧忍賦離一語
寄將休悵惘北盤江上訂歸期

黔垣與友人夜話爲別

明燭深杯興不凡看君仍著兩當衫破除結習詩藏篋振
觸雄心劍出函浩劫蒼黃關世變傳家清白任人讒三年
牢落南中客奔馬長途肯受銜

日出篇

日出當空萬物光輝可憐憧擾爲魅爲魑世遠皇古人非
少年鴻濛弗再星髮難元我觀蒼天冥冥寥闊拙者以死
巧者以活虞劍用指義輪倏駕千載須臾瞬卽長夜毋憂

滄海三變已桑麻姑神人爬背爪長興王定霸一如浮漚
喻言粒米大千同游不若肥遯无咎无悔負暄獻曝爲元
氣宰今日日出來日奈何來日出日生勞實多靜有動機
禍兮福倚晶瑩陽烏鑒我尺咫

對月

思家見明月忍淚不敢墮玉臂憐清輝情深獨婀娜彈琴
鏗一聲寒梅發幾朵

寄王芷亭觀察

鄉國文獻衰亂起况兵革連城烽徹紅漂杵血流赤自從
永安破歲歲爲茲役先賴鎮軍八桂安可宅繼逢長沙
冬榮堂集

復甦閣詩草卷三

七

帥三管憂漸釋

帝命團練使守望有專責臺諫喪浙

師伯韓

通政作藩伯

翰臣

各各辭里居無人扶顛厄是時

榕湖濱臯比鹿洞席我兄方委蛇大府載束帛遂現宰官
身誓掃羣賊逸轉旋修鳳手部領剽蛟客周處頗謂賢繞
朝亦贈策靖邊勤牙旌攬憤凜髯戟屢苦十一霜敘功二
千石豸繡今殊榮龍韜又多積更喜閭黨間鉅典精所畫
顏書樓未荒池公祠仍闢

先時立團練局于池公祠予郡
與焉韋城東道遙樓復告竣

邑且絃歌科舉補疇昔

粵中連舉秋試皆
士紳經營其事

近掇忠鯁錄並

續虞衡冊

聞君近集昭忠
錄兼脩郡志

乃知君子行識超凡民百孝友

斯卽政儒頑敢抵隙蒙生忝姻婭相思永終夕皇皇滇中

遊歎覽賈山碧羞說九死餘竊歎六合窄溯洄南北盤罔
知東西適浪漫交寡歡瑟縮枉已尺豈忘歸來好咄哉良
覲隔此情難問天冥飛乏鴻翻豚犬我莫似麒麟君曾擇
喬兒爲
君子婿今始趨子舍亟遣返星驛懷惻弗能休景光實輕
擲來意勸遂初別懷愴交謫林壑獨羨君煙霞竟成癖談
經帷開絳散襟鷗浮白耆舊幾個存一語痛心魄高志匡
家邦盛名儷金壁寸函當寄將慰子羈孤迹青山一日在
行復辦雙屐古誼真鴛蘿後凋如松柏

冬暄行

冬暄融風發窮黎天閔哀我方黔垣住早聞黔國災十人

冬榮堂集

復甦閣詩草卷三

八

九且死路擲多孤孩近郊闕甲馬連城成蒿萊珠米桂作
薪已是屢月來舊日狐貉溫凍僵棲塵埃舊日梁肉飢瘦
餓戶不開官舍亦清冷僕夫心骨摧值此大難與咄爾浩
劫灰陽和幸有遇曝背茅檐偃俯仰思帝仁含情何悠哉
冬暄吟一篇熙熙祝春臺

感事

黃農若可希橫流亦當殺去人渾噩遠頓爾魍魎怪宣尼
在叔季九夷藉言戒蒼球浩無邊聖域豈云隘如何朽骨
哀偏使至道壞良莠多種雜淫奇利市賣誰霸將誰王殊
途本殊派堪笑靈蠢徒嗜之同蠱瘵趨步舉國狂騰踔下

風拜南山且捷徑北面視天界始時一隅闕此疾方癘疥
繼今萬里行此毒漸蜂蠆要防瓜包垢終貴竟陸夫我賤
軀壳頑坐受毛羽鍛金刀切昆吾玉斗碎樊噲小憤惟孤
臣尙弗僅睚眦赫赫中夏后隆隆景運屆電眼霆雷轟振
鐸醒聾瞶極願迴清明六合始一快周孔教固尊剽援彼
腐芥心知竊比信口嚴興戎敗

遣悶三百

清月照寒冰歲暮行當休疾風吹勁草世事迷所留君子
重恩遇小人尋寇讎以茲平生心轉貽身運憂執鞭吾何
慕富貴如雲浮

冬榮堂集

復甦閣詩草卷三

九

鬼謀狼實貪盜心梟彌肆愚夫坐昏昏天日皎無二焉知
永平後變態此詭異禹跡畫九州非族疊踵至我方嗟放
豚獨醒眾皆醉

殺人已何利爭名失其實古懷叫哀哀閉戶安敢出楚材
晉用之今世豈異國炎風朔雪中奈何溷羣賊未能斧鉞
誅載以董狐筆

華野入覲先公幹于五羊予復將適滇南皆去黔有

日記別作此

談詩曩歲傳心法香草風騷萬古情此際乍同蠻徼地送
君直上鳳凰城揚帆珠海愁先遠問道金沙悵獨征別易

會難思後日離堂燈燭話南明

檢所作詩四十卷寄歸里門漫成論詩一章題卷端

示振喬振瀚

三百十篇詩教尊尼山手刪古所存興觀羣怨詔小子溫
柔敦厚無煩言後人揆天侈宏富黃河萬里源崑崙日月
藻繪雷霆走風雨動盪江湖翻清如鳴鳳引霄漢重如騰
蛟闢厚坤鐘鏞元音奏東序箏琶淫哇求分門蛇神牛鬼
格亦降蟬吟蟲號聲已吞吁嗟難窺只聖處眼見橫流滄
海奔齊梁靡靡賴賢哲大雅正始誰籬藩我於本朝近有
取妙自訓典挾其根孜孜窮年知不足復甦拙學空攀援
冬、榮堂集 復甦閣詩草卷二 十

寫官甲乙卷帙在荒陋敢以給子孫憂傷用老情欲訴創
痛再起舌可捫固知勞人訂實錄爲遣吟魄鼓深村浪傳
俗好且汝戒刻鶴畫虎終吾惜儻今加年願學易聞道寡
過帝者恩

傷黔事作 有引

曩子有傷滇事詩成於至滇之日今將去黔復作
此篇慨世途之厯亂亦傷逆旅之多艱也

野老吞聲說世事昔日去滇來黔地今日黔中又何如窮
途一灑阮籍淚灑窮途非一身災害庶已憂黎民連歲
何時罷征戰連城何處不荆榛荆榛陸海眼所見斥堠烽

煙頃刻變興戎齊起蚩尤旗平蠻恨少天山箭憶自邊州

趨貴陽烏蒙大方猶樂康水西昨聞羣賊入夜郎千里都

荒涼前歲予自威甯至貴陽取道大定俱安堵無恙而自定番屢失昨歲黔西大定復陷黔中竟少安土矣

虞廷干羽有苗逆禹甸山川無安宅黃楊厄苦旃蒙秋白

骨成堆且流疫流疫萬家兵儻休潛師寇盜偏謫謀荀息

不用乘和壁囊瓦還貪馬與裘武臣愛錢滇事始魯衛兄

弟只若此盡室逃亡悲復悲四方靡騁死非死珊瑚孔翠

酬殊勛爛羊騎尉談紛紛明光迭捧詔書至郡邑旋驚鉦

鼓聞即論金筑詎乾土會垣近郊歎碩鼠張侯帝命

宣力勤帳下諸兒信雄武二東財賦杼軸空鑲軍蜀楚道

冬榮堂集復甦閣詩草卷二

可通但願瞎巴從天降腥羶淨掃如雷風用兵難求在一

將禮樂詩書鬱才望當代麒麟閣是誰低首蒼茫泣相向

頗謂黔疆差勝滇東游茲悔塵勞牽僕僕車旌返六詔通

南橋畔揮長鞭鞭長縮地總乏術威清平普旬餘失十月十七

日賊陷清鎮十一傷黔傷滇例此心縱酒狂歌仰白日

寒夜

寒夜無溫宦況微滿天雪色思依依一燈欲語頻聽漏孤

枕將眠漫解衣眊毳辭家心自悔鬱紆溷俗客來稀殘年

看老梅花眼夢逐春風萬里飛

貴陽曉發

曉別貴山去茲游意已慵古潭寒水積荒徑亂雲封野死
多殘骨村氓盡慘容眼看有如此涕淚亦何從

山行

行經人跡絕宿處入荒村寺古僧懸榻山深虎叫門自知
天欲雪黃認竹穿根辛苦征夫慨時艱且莫論

至後苦寒途次聞安平失陷繞道行六日抵安順書

示作山

至後寒威逼長途苦未辭那堪聞寇亂復此悵分歧眠食
安何計月餘食惟粗憂危耿自知威遲來郡舍還與故人

期

冬榮堂集

復甦閣詩草卷三

三

催喬兒歸粵

我竟遲歸汝莫留縹緲累葉在南州山雄獨秀開青嶂江
繞相思湧碧流壯志自然輕作客老年誰復羨封侯科名
草茁聯常棣還望來書慰白頭

淚灑牽裾易滿襟孔懷將母一沈吟病妻半百情常愧薄
宦羈孤感最深仕總爲貧餘傲骨天如不負有初心江雲

千里堂星朗歸棹予還問碧潯

予本擬棄官歸
與兄同赴皖

醉歌一首贈友

鼓箏高堂爲誰發酣呼仰面醉兀兀君看蠹沒一世人不
見蒼茫古時月古時月何所擬夜光珠明白玉盤經萬億

秭無停止男兒丁此鬚眉強排雲煩冤叫九閭盛名可寶
及時樂葵藿一心傾太陽埋君荷鍾君漫死會須百年痛
飲三萬五千九百九日裏風燈轉眼易銷歇安能鬱鬱久
居此長星勸汝盡一杯爲君更祝神龜獨鶴之老壽梧桐
喬松之美材彭鐘俯首東王哀是鄉廣大君信否飲者從
來多不朽君爲我飲我還歌我歌南山望北斗

出門行

出門刮面風銜刀旅樓日夜思鬱陶欲去未去月幾易雄
劍在手弓出彀微名偃蹇不稱意爰居三年羞避地懷鄉
徒受文園譏憂國還增漆室淚炎風朔雪歸天王留秦隨
冬榮堂集
復甦閣詩草卷三
三
會非可方青蠅止樊偏構謗小夫詹詹言則狂看君登龍
我腐鼠夜郎自大那堪語只歎封侯李廣奇豈有嬖人臧
倉沮用夷變夏爭薛滕顛乾倒坤傾谷陵衰周獲麟宣尼
泣筆削千秋多勸懲辛勤抱道成白老柳下甯卑官是小
頽俗奔流元氣存鏡中錚錚傭矯矯出門慷慨意何深掩
耳迂談賸獨吟逝將去汝樂郊適吹暖陽春煦物心

不寐

不寐夜深夜含情空自嗟故鄉人去遠何處問梅花

旅賁告匱喬竟不果歸粵當遂攜之往滇憶坡公句
云我生百事常隨緣因用其意作詩以自遣兼示喬

勞勞逆旅任東西佛說因緣亦自迷宦極清貧翻是福事
如春夢忍重題兵戈筑國憐蒼狗劫火昆明問碧雞聞道
彼方於此善信非吾土且羈縻

黔地冬陰苦寒不雨不雪而溼氣四塞土人云是單
也連月不開兼聞寇盜作此一篇碩鼠北風寄懷遠

已

肅肅冬陰罩何深深謂雪無花而雨無聲如何其毒淫

解一

毒淫氣寒泯不見日不見日出陽烏若失

解二

陽烏若失太

陰以死維黔地異胡然蒞止

解三

黔地既異黔天荒荒荒荒

密雲曾無樂康懷憂蹙額屏營旁皇

解四

屏營旁皇哀彼窮

冬榮堂集

復甦閣詩草卷三

十四

黎白骨溝壑親實見之

解五

梟鳥意得豺狼四野甯丁斯世

靡有生者

解六

孤生苟生尙溫以飽哀彼窮黎即于餓殍

解七

吁嗟黔兮帝曷佑予元冥司令足凍焉履腹餒焉居昏霾

已甚用慘弗舒

解八

慘弗能舒往不復來灾害並至戚戚悲

哉解九悲哉戚戚我心如醉朔方嚴威獨匪是類

解十

且適樂

國且歌北風清明昊天在聽斯聰

解十一

在聽斯聰春仁其

戴我皇恩私閔爾疾痲

解十二

在晴偶作二首

乍晴人意喜鵲噪亦關關微雪樹梢盡晚霞山外閒畏囂
稀應接聞亂損心顏匪勉謀生計天宜破老慳

貧得安心法無嫌用拙宜浮雲多變態愛日有恩私測景
春將到留人去悔遲梅花綠底夢望月起相思

邊城偶感時首途有日普定大令嚴公餞予署中

邊城西望尚天涯盼得停旌未是家落月青燐粘碧草淒
風白骨臥黃沙亂離宦味難回蔗冷淡詩情漫賞花起酌
離尊憐此別畢箕殊好總紛拏

冬榮堂集

復甦閣詩草卷三

五

冬榮堂集

復甦閣詩草卷四

臨桂 廖鼎聲 金甫

乙丑丙寅

發安順前夕與芷生話別

朔風一何厲吹我西南征之子愴與別浩然發歌聲夕雪
明戶牖氣寒尤淒清人生各有命胡事多營營且共盡此
時話長為平生

予本欲歸粵偕兄赴皖輾轉又作滇行而芷生亦有
兄在江南異境同情悵然復詠

君有難兄我亦同離懷愁望大江東茂陵詞客憐司馬魯
冬榮堂集 復甦閣詩草卷四

國男兒是孔融白髮話深今夕意青瑣官冷古人風郡城
南去仍回首睥睨靴刀氣自雄 安順戒嚴芷生方與城守事

夜投破寺人皆於輿中坐且宿予蓋作此屢矣

蕭條黔國路是處警兵戈佛刹殘燈贖人村戰壘多歲華
逼遲暮吾道豈踈此一事真為笑安輿此若何

木岡嶺

岩風送微雪石徑迷荒山天氣黯將夕客程迂且艱迢迢
木岡上肅肅龍塘間十步九折坂萬夫一嘗關曰余赴茲

役在憂甯獨聞主人為慰語此地無秦營 夜宿龍塘主人為言其地幸無賊至黔中如此地者蓋干不得一也駑馬歎行邁猿猴愁躋攀因識宦味聽

終思倦飛還去矣慎明發最增壯顏

連日崎嶇泥濘兼有戒心忽林木蕭疏有紅葉數片
修竹叢映其間不覺翛然意遠作小詩紀之

山程泥行旅十日莽莽逐疎林霜葉紅忽此間幽竹悠然
入奇懷冷翠明兩目吾真羨田家時披野人服

去黔適滇途次感懷入首時永甯已陷迂道數日始

由郎岱達普安

仄徑縈紆履跡微萬山合沓鳥爭飛行衝霧過天粘面渡

截河流月墮衣渡月風鶴岱郊仍有警郎岱亦警澤鴻黔國竟

誰依回頭我治查城日一瞬滄桑涕泗揮予去永甯任甫月餘賊遂入境

又榮堂集復甦閣詩草卷四

三月城陷

南中何處好題詩顛倒三年祇益悲予至黔已三年矣蔓草忍聞

紛寇亂黔賊名目甚多而苗回爲最風塵如我亦流離山鄰滇國千層

上水走盤江一脈知予宦滇黔皆在盤江之側此去空堪論萬里浮雲

西北故園思

老至頭銜漫品題勞薪如昨路東西摩霄鴻鵠人爭羨上

竹鮎魚命不齊時事絲棼多涉歷宦情灰冷易淒迷我愚

更歎兒曹拙學信天翁首自低

愧見逃亡劫已灰投閒原是散樗材輿中一慟蒼生慨道

左羣遮赤子哀連日永甯逃亡之人相屬於道有走予輿前泣下者僉言恨不得予久在永任天

竟何心虛保障永甯當黔省西南要衝地真無處闢蒿萊茫茫仕隱

都難計待賦陶潛歸去來子早倦於宦游欲歸不得

羣公地望總材雄愁對新亭感喟中揮手竟無臨別語繫

情仍盼濟時功謂黔中寅好諸公已飢已溺將誰屬王土王臣敢

弗同子以滇員留黔同官弗相善也稷契許身懷杜老腐儒心事冷官風

送迎兩地部民心一笑前因似此深子與夫皆永甯難民而肩行李夫又皆宜

威人舊跡重經增悵惘壯懷難遣聽升沈梅花遠信遲應到

香草離憂最不任差喜故人歸路共宜威門人李作山偕行石龍山

色又成吟

蕭然行囊重堪嗟書卷裝輕道里賒清况衰年慚骨肉浪

久榮堂集復甦閣詩草卷四

三

游春夢老天涯才疏豈但謀身拙事往翻勞眾口誇梗泛

匏懸都莫問青衫白傳一琵琶

僕指流光逼歲除厄陳過宋境偏如隱囊對雪寒天夢旅

館挑燈驛騎書問字客逢新難後平越門人白亦賓由永甯避亂相遇於普安

揮杯人說再生餘盤州信宿貧無計濡滯原非效子輿留普安數日困旅貲已匱

安數日困旅貲已匱

途中寄懷華野

別懷一片南明水別於垣獨客孤征此黯然歸去名山藏世

寶君將載所藏三代禮器及秦漢古物各種歸山東記來荒國有詩篇浮沈豈類

馮驩鉞慷慨虛談祖逸鞭投老故知多所戀海東人物况

如仙

山程及暮

曛黑深山道人煙寂不逢輿前蹲怪石岩畔冷蒼松行色
徒增壯游心久欲慵河流東逝水還繞路千重

雪走普安廳柬普安司馬

冬征氣肅肅晷短易黃昏午日才過市山城早閉門溪流
亂寒石雪色隱深村好語青衫客憂時且淚痕

臘十有二日喜晴書事

沈陰三月久一日太陽升

鷓中自十月初久未暢晴一日

物類欣相感愁

懷氣亦增冷雲收屋角落木露田稜濡滯黔邊客何因去

冬榮堂集

復甦閣詩草卷四

四

未能

由普安二日程入滇平彝境卻遣喬兒赴宣威即事

成詩六首

何處不羈思盤州路又歧朔雲橫大野驛樹入邊陲尙有
元龍興無爲阮籍悲悠悠此行邁人事冀天慈

三日晴光好深冬轉物華臘殘將度歲客去漫思家山色

千重迴溪流幾曲斜眼看黔地盡回首徧蟲沙

黔中無地不經賊蹂躪

躪

絕糧羞慍見仍是固窮心七日因留滯

普安旅寓門人李作山白亦賓朝夕

談藝三年憶阻深狂歌將進酒高誼孰分金

偶假唐氏金始克成行

明

發平彝縣滇風起暮林

兒曹初客苦薄宦鎮堪憐去作邊州寄聊安旅食使人同

春共至計喬兒到宣正值先立春一日賓賴主能賢謂作別路山川繞合

辛一喟然

晚雷平地起急雪又寒宵抵平彝之夜雪中聞雷孤館甘岑寂高樓

望次寥樹爭溪竹長桃賽野梅嬌滇中挑杏已花勝境關前立征

程策馬遙平彝有關日勝境

安石蒼生繫匡時古大臣時辛階制府師駐節平彝衣冠仍見漢三年以來

大府未嘗入滇狼虎莫憂秦已有豐年兆應回絕徼春龍鍾自羈

旅歌舞歲華新

冬榮堂集復甦閣詩草卷四

病齒有作

五

五十稱始衰齒落髮種種余身遇艱危時事益繁冗舌無

廣長運耳豈務光聳金石那不壞冰淵彌自竦邇來九死

餘三百漫曲踊漸邁温嶠疾良宜張蒼恐醜面當晨興支

頤忽手捧忍痛鬱弗舒骨騰肉飛動平居仗爾利饑鬻常

賈勇及茲勢搖搖况敢言詢詢默坐塵慮灰憂悶若抽蛹

額蹙競相告輔車寒作俑少年盛意氣老態偏擁腫可信

剛易折勿爲恃天寵倦游徧國都奇懷頗矜重裹創曾中

傷爾足又且樞賸此強項名荆棘世途壅縱得未償失遄

云蜀與隴前歲驚投梭更生難旋踵拚成囁嚅翁幸緩墓

木拱咄哉齒何惜但懼即鬪茸百情殺今朝萬感紛慙慙
有兄鬚眉蒼才豐儉所奉遠聞之官去涉江問句甬有婦
鬢毛摧病深神頻悚久離爲子嗟登高望春壘頽顏苦燕
雁征途一蠓蠓慎旃藥物須內養華池涌撐拓今古脚抵
咽丹井汞低徊還復歌隨人笑秋葢

苦寒題旅店樓壁

危樓當烈風旅況乃不禁低頭弄書史遂忘呻與吟天意
戒無逸勞者知所箴緬昔入州督皇皇惜分陰運甓曷自
己宏業豔古今生人孰滿百日月馳駸駸一爲事宴樂終
焉懲荒淫君子謀在道志士誠苦心曰余孤征客老至羈
冬榮堂集

復甦閣詩草卷四

六

纓簪側身東西走憂患常侵尋敝裘耐嚴冬病骨懼實沈
同雲昨雨雪閉門屋廬深三朝未開霽氣肅難散襟就鑪
活火爇欲酒空樽斟復感賢主惠炊黍雞成擒謂言將除
歲夙念欣足音莫辭盡此觴春煦方照臨縣小城郭偏倚
居適荒潯戲藻魚泳沼近郊鳥投林推戶挹山翠銀海搖
元霧有兒尙他州齊贅如辰參極望輒太息分轡憐嶠嶽
嗟爲饑窶迫誰堪懷抱任用拙守樗櫟咀味同連芩蕭囊
顧行李冷鐵何森森摩挲向泥壁宛轉彈焦琴本性矢弗
改晦迹時亦欽會逢識曲賞真調鏗石金聖哲昔垂訓慎
獨思影衾夢回硯冰釋曉曦徹高岑

寄喬兒宣威

宛溫我舊治汝居苔岑合文字新故交晨風響如答慨汝
出門時及茲賸殘臘置膝偏分離寸心應嗚咽老人益悽
悽孤寄孰朋盍辛苦長途間荆棘眼叢雜空囊不名錢宦
景最蕭颯信否廉吏爲要未勝茸闌汝質亦中人希賢慎
結納誠知明者訓志立恥泄沓有家遠灘江名山翠排闥
我且歸興濃汝矧異鄉踏昔年縮章綬兩載親韎鞞頭顱
幾有無滅趾占噬嗑瀕死儻竟爾朝露先溘溘賴得更生
存回思若怖鴿今來攘臂笑歲星瞬三匝一官又胡然自
愧履重跋巖城做軒楹旅館挈壺榼似聞子雲亭已下徐
冬榮堂集

復應閣詩草卷四

七

孺榻攜伴登榕峯馳情睇層塔平蠻書界將古驛路紛選
雪晴泥印鴻暑短夜燒蠟病骨吁可憐皓首氣斯塔細字
能殷勤獨歌尙吸飲柔兆明春期征馬整馭駁聊復優與
游寺鐘聆鏗鏘還語謝羣彥我行類僧衲彼中手蹟尋孳
窠善摹搨身世論聚散乾坤視闕閭

歲晏書懷雜感

骨肉分四方東西各異地戚戚終胡然蒼蒼正何意年卮
眼今朝新歲條已至欲補離恨天莫叩智囊智不如營糲
邱閉門且酣睡嚮晦息易安高臺債應避咄哉束帶辱久
可弁髦棄擬從陶淵明仍爲柳下季旁人任擲揄此志苦

顛顛要津本利鵠識途自老驥鉤茲那得同鑿枘漫云試
曩昔領邊州舊轍憶酸鼻偶去飛伯勞旋復走征騎守拙
惟性真含辛疑世已譬彼風中絲顛倒隨位置又若盤中
珠宛轉出游戲宣尼傷道長臨河一返轡吾儕敢妄希鷄
鷄只堪類蠹沒頽波餘倉皇軍旅事率嗷腐儒齊竿果
濫廁有家在何許孤生愴成寄情殷誠兒言慮恐先業墜
力田方逢年讀書重識字謀道天匪吝干祿士常愧鬱鬱
撫寸心耿耿厯星次既衰誰健頑既壯孰幼穉低首獨慨
慷沈思實夢寐猶弗恩怨忘但殊清濁致鼎肉訝亦私腴
下羞且淚無憑雖毀譽聊爾聽軒軒

冬榮堂集

復甦閣詩草卷四

八

題清溪洞

有序

平彝城西里許有洞名清溪在驛路之側逶迤而
入石乳玲瓏與吾鄉風洞略相似予偶憩息其處
非特遊也聊題此詩

洞名清溪溪何處地戶天開出當路中空廣可容千人平
巒勝境今忽遇故山疊綵高百層茲來宛若重巖升福庭
坐對何幽敞

吾鄉風洞一名疊綵巖梁菴
林中丞題額其間曰福庭

應慰懷鄉歸未

能

除夕前一日雪中復聞雷作

春前春後雪如米客思悠悠坐旅邸含情何處問梅花豈

不懷歸念兄弟清溪洞口聞邊書榕城兩地今何如謂吾鄉與

宣城均名可憐天末成孤蹈予適獨在平彝度歲惘然久之又聽雷聲送

歲除

丙寅元日旅居讀易有作

蒙生受之需漸進必有歸反身蹇亦往正志遜則肥默爾
天地意惟聖為知幾吾儕抱昏愚敢云編絕韋皇然道邊
心藉以明是非禍福倚與伏吉凶從或違所愧羝羊觸動
虞即鹿譏今朝歲星轉樺燭騰光輝坐我客居樓披簡用
古希周情兼孔思畫卦懷包犧偶焉危辭悟冥過言獻歎
快雪喜晴好先春瞻日暉乍看一輪上已罷六出飛做裘

冬榮堂集

復甦閣詩草卷四

九

受餘温活火仍爐圍酒勁芽茗酌芽茗酒名出黔中子偶攜有此也琴和

桐尾揮歌嘯鏗石金陶寫陋竹絲卻憶曩昔業名理見實

稀慈訓空惘惘幼時習易為先慈所口授舊德彌依依變遷復廣大矧

此消息微堯夫皮毛耳駿足猶難追泰始茲良辰平旦氣

在斯旅窮莫徒笑困學終宜治龜勉窺至蘊塵鞅應忘機

俗黷聞叩門呼童漫啟扉

平彝雪霽送人適昆明因雜書滇地風物兼寄舊日

知友

入滇桃李爭先開律中大呂春風來嬌嬌雪裏趁姿媚天

地氣異何奇哉菊榮七月桂六月蘭生數尺更咄咄滇中蘭一

箭有長數尺者而花無香四時紅葉紛然陳到眼奇葩無數發我辭榕
峯漫三年碧雞回首塵勞牽仲蔚蓬蒿不歸去子安萍水
偏重聯蹉跎自歎成白老亂後風光依舊好懷人落月兼
停雲賦別綠波又碧草清溪洞旁祥雲集煮茗龍潭活水
入翦燈夜話樓窗明輕裝欲動催火急君行此際慎勿憂
鷓鴣未典相如裘南國花時正堪賞翠海昆湖多酒樓狂
呼買醉五華側似說銷兵已絕域郎州經過逢故知通泉
飲滿徧春色曲靖馬龍皆
途路所經殷勤爲寄雙鯉魚道我問訊今
何如幾載淪飄金筑地會可招尋明月廬平巒近郭餞君
處馬鳴蕭蕭瞬當去繪圖擬寫山川雄友人擬爲予繪雪
晴送別圖紀其事
冬榮堂集復甦閣詩草卷四

十

望遠獨看雲霞曙若爲揮手汪倫情男兒意氣歡平生等
是客中愁送客且休牢落憶邊城

春風樓詩

有引

題額旅居小樓而作是篇以貽樓主人亦曰隨境
可安之意不嫌於借也

旅居樓舍平城東溟邊勝槩含清雄歲朝闌入氣候改坐
我一月真春風主人好事喜延客蛩蛩偶依苔岑同哦詩
許安容膝地雪天候過晴日烘得閒置酒共斟酌綠樽捧
出珍珠紅烹茶更與旗鎗鬪竹爐蟹眼翻玲瓏興酣已忘
賓主意古懷跌宕談辭充乾坤大塊本若寄蒼珠浩浩懸

虛空人物萬變生，世代幾千億劫成。沙蟲荒涼螢火弔隋苑，遨遊麋鹿嗟吳宮。秦關漢塞且不保，而況一廬誰始終。我持斯語三歎息，達觀頗謂回癡聾。生逾五十衰醜漸，眼看百事爭無功。滔滔濁流海水立，枉有奇氣吞長虹。負薪買臣苟富貴，賃舂難遇皋伯通。綈袍戀戀飯鐘歇，作雲作雨皆朦朧。小兒造化操在手，丈夫塊壘填胸中。但須及時爲樂耳，毋使憂患增疲癯。艱貞食福疑亦信，受需不見因屯蒙。心般學易早知命，擬築樓居而題額曰讀易春風景象還昭融。蕭夫子勿忡忡，樓主人爲平我行高唱從巴童。婆娑老鶴強翻舞，思歸馳望南飛鴻。桂江他日輕舸泛，朗吟記取茲萍冬。榮堂集

復甦閣詩草卷四

十一

蓬鷓鷯鷓鷯，鷓鷯與鷓鷯。或勞或燕都，匆匆覆載於人詎。私愛飲憤尚欲呼，穹窿陳蕃下榻徐孺感，暫就棲止如孤蓬。粲然失笑今久假，文字結習原非工。昨來兵燹憶初熄，猶欣年穀占屢豐。小邑爲鄰黔齒西，征輶轉山鞠踦。予自黔病數日折腰斗米定可棄，牽率未了傷樊籠。春仁煦育頌有

脚白頭胡乃徒稱翁，春風樓上歌也。嘯請聽鼓鐘，擊缶聲隆隆。惟有杜陵廣廈情，何公

樓頭獨酌

獨酌誠寡歡，俗物亦敗興。陶然古人親，高樓相與凭。柳花吹出春風香，玉蓮低亞闌干長。離憂繾綣意無盡，十年九

度皆他鄉重游況是不得志悠悠眼底盈尺地分無媚骨
邀榮名醉者難醒醒者醉仰天大笑歌復悲人生富貴須
幾時男兒要有元龍氣顛倒乾坤總未知

贈王午樓幕府

八年舊知今復遇滇黔迢迢往來路愁人蠻徼多兇鋒招
隱無由從桂樹君行經處我亦經龕官幕府同飄零世程
榛莽鬢俱白人事琴連眼孰青屏營情話方一瞬踪跡合
并天所吝春風樓上記吟時翠海重歸宜問訊

懷舊游諸友皆昔時流連文讌之交臭味雖親而名
位徑途稍異者別有詩懷之茲不與焉

冬榮堂集

復甦閣詩草卷四

三

美人懷離憂孤鴻一萬里平生四海交落落憶數子王郎

消息過江無聞道雄師曾定吳

上元王叔淵聞居西湖亂後不得消息

綠楊

城郭南歸客鸞鶴應將還

帝都實應王幼軒聞返楊州未知重入都否

津門迢迢更愁絕耳斷音聲九年別親庭歡笑娛萊衣知

君何處駐車轍

天津楊蓮舫自戊午京華一別之後不識踪跡試春官作選人升沈莫問

浮樽

清酒香苜蓿冷官何殊淵明菊君當別起射書臺拂袖黃

塵但雌伏

聊城李少村辭縣令而官司鐸于曹

翰林翩躚寒士風終童漸老

偏途窮湖山管領風流在囊底黃金莫歎空

聊城鄒翼生因公被議應

復起矣

大梁弔古監夷門文章奇氣光芒存

固安楊鴻甫或已捷秋駕抑赴

補河南皆不知也

平陵出宰梅已老人自多情花自温

同邑鄧瘦梅令山東

奉諱應旋
里門矣
讀書萬卷不愁破羈孤遨遊惟一箇真從蒙莊

化此身膏騰蝴蝶抱霜卧
陽湖莊蝶園君鮮兄弟亦不娶遨遊公卿幕中我墮邊

疆成白頭夜深惘惘思前游料得合并難再得小詩聊與

按筇篻

前詩成同人疑之蓋此八人或篤學負奇氣或風雅

而多情其名位尙未至往還亦較密故日徑途稍異

無軒輊也復解以詩

學人才士天壤在廖子得之徧江海一時懷抱非偶然填

膺大都多磊塊丹鳳銜書白玉京九霄明月照盈盈等是

論交同骨肉自嗟車笠絆微名

冬榮堂集

復與閣詩草卷四

三

元日戲書

元日前番卧愁疾村居歷歷最蕭瑟
數年予歷滇黔每值此夕皆僻處村野中

山城今日又寂然明月來窺戶不出一年此夜春風多春

風此夜奈若何怪聞兒童喧笑語伴約花陰自歌舞赤緊

相思到我前魚龍鼎沸開紅蓮雲端彩鳳翩以下無數笙

簫不老天白髮心情轉年少歸及青春首頻掉

雜言有喻

骨肉當相離其痛乃至深君看齒搖搖味如食蓮芩習俗

漫不識歷久知苦心薰蕕富相雜其端亦難尋君聽言媿

媿便如投石鍼昏愚曾莫辨遇事求微忱用耳智若失審

幾勇宜沈親情勿少間大道有同欽今我作斯語於世誠
良箴擇善察好惡審躬儼鑒臨能爲理所縛敢使私易侵
慎旃佞夫口獨舌銷黃金

捧檄復任宣威憶曩年在官時事殆難爲情感懷成

五百字

溯在申與戎我適蒞邊州溟風日以烈慘惻無時休奸民
起爲寇滿眼森戈矛武夫復恣睢卑官成贅疣當道橫豺
狼忌器鼠乃投尋斧實所傷 王章亦莫由悲哉兩節

使再創亮 國讎是邦果危亂築室遑道謀將避地逝去

反側惡可留三年入黔中千里行悠悠輾轉禦魑魅瘴癘

冬榮堂集

復奠閣詩草卷四

西

疾弗瘳蛩負偶依罨鵲巢還居鳩誰識魯衛政並罕桑榆
收幡然又西邁雨雪零征裘馮唐老爲郎李廣命不侯潛
鱗一踰蹬垂翅偏鞮鞢散材固何惜達觀了無求回首但
咨嗟孤志寧沈浮夙昔覽古哲樂天信忘憂貧甘原憲守
治非尹何優虛名顧疇曩低首來荒陬履冰衝齋冷談者
皆涕流癯羸苟得飽被服曾未周饑寒任嘔號塞耳空咻
咻弱女方襁褓寄食深材幽顛厄既太甚鋒鏑交相愁故
人私慰藉飲泣聲咿嗶伶仃七百日宦也真馬牛於天敢
云怨於人終無尤白骨死且生乍幸身獲抽胡焉傷弓鳥
仍作戴冠猴捧檄含辛酸受恩耿難酬用舍大臣意藻鑑

懸清秋譬彼棄澗石琢磨當琉球更若委道木盤錯終松
楸晚歲思益勵宴安奚足媮念此翻自喜中情定夷猶強
笑理急裝斜睇窺吳鉤打包類行腳執燈呼平頭囊攜琴
一張已矣不繫舟晴雲照四野往路何修修有兒棲榕城
裁書遞星郵好語舊時友亟代先幾籌仕窮重民累慮恐
貽世羞皇皇問強暴竊竊宜寬柔網維儻堪振繭絲毋煩
諷簪裾外物耳久欲盟沙鷗東山故如昔待補平生遊招
邀元亭客鹿鳴聽叻長言抒隱憤高酣動清謳

冬榮堂集

復甦閣詩草卷四

五

歲元亭客

復甦閣詩草卷四

